

Buch

785

Wan auch die scrophelyn das syn die
ferlyn nur we syn so sol das krut vnd die
würtzel auch also vor gestossen werden
vnd eern schmalz vñ erdtz wickel sq wil
la gnant mit gestossen vnd dar vff ge-
legt. Wer ein schönes anlitz vñnd ein
subtile hut wu haben der stoß die würtz
el zu puluer vnd mische das mit rosen
wasser vnd lege das an die sonne bis
das wasser ganz dar vß getrockent sy
vnd aber in rosen wasser gemischet vñ
aber wider getrücknet zu dryen oder
vier malen vñnd dan die hut mit dem
puluer geribben oder rosen wasser dar
zu genommen das machet die hut clerer
wan die salbe gnant cerusa. Item das
flechte puluer dieser würtzeln verzeret
alles fule vnd vberige fleysche.

¶ Von Allande



Landt in dem latin gnant
Enula campana das wirt
mit geschwet wan es hat mit
samē sund' syne Crone wirt

gepflanzet ganz oder das größte teyle
in dem octobre in feytem erdrich vnd
tieffe gegraben vnd wol vnder gearbeyt
Es ist warme in dem dritte grade vñ
sucht in de ersten grade. Syn geslechte
das ist zweyerley das ein ist orulana
das man in den gerten pflanzet. Das
ander ist campana das in dem feld ge-
pflanzet wirt oder von got selber wech-
set. das ist größer krafft in synen würtz-
eln. Wer sie brauchen wil der sol sie gra-
bea in dem anfang des somers vñnd
die trüeken an der sonnen das sie nit
verreche in irer suchtrikeyt dan mag sie
behalten werden zwey od dry iare. Die
hat krafft zu schiffen vnd zu reynigē
da von so ist sie gar gut den banden der
gelencke die vð fette erzurnet syn. auch
wan die geyslichen glied also hertze
leber vñ lung: vnd milze wee habe so
ist gut der wyn in de die würtzel gesont
ist. Nach dem gemeynen sprochen in dem
latin. *Enula campana reddit precor-
dia sana.* das ist in teutsche also. Alland
des feldes macht gesunt die brust vñnd
des hertzen schlundt. Auch so ist der ge-
nante wyn gut wider das magen wee
das von fette komen ist. vñ wider den
husten vnd die wynde vñnd alles das
vß kalter vrsach komet. Den zertliche
menschen aber den villycht gruwelte
vor de geschmacke solichs wynes gib
man in irer spysse ir puluer vñ das pul-
uer von cymigen. Das krut ganz in
oley gesont iñ vff den buch vnd vff
die lenden geplastert thut auch wider
die gnanten wee vnd hilfft wider die
lenden sucht vnd wider den kalt feych
Wider den kalten dampf soll man
kochen ir puluer in gersten melc. In ir
isten krafft rot zu machen vñ gar reyn
spulen oder glych zu schaben wann sie
in genommen wirt.

¶ Von Allun.